

又

心去意難留乘春賦遠遊秋風吹素髮猿鶴替人愁

定庵吳章

祖席相看手屢持春風無奈思依依慣聞玄鶴幽庭唳忽作仙
鳬獨自飛苑北佳遊何日再終南舊隱幾時歸因君喚起家山
興不覺臨風賦式微

馮翊馮志亨

古汴玄宮久住持真仙無地不歸依水中一月隨方現天上孤
雲到處飛蕙帳夜寒添鶴怨祖庭春暖待師歸此行莫負關山
約早占終南冷翠微

道藏輯要

甘水仙源錄

癸

翼集三

河東段天常

華表千年鶴翩翩復舊遊遼天快空廓燕市謝淹留輕舉師先
得高飛我未由望窮雲海路不斷暮煙愁

終南山甘河鎮遇仙宮詩序

太 原

虛

舟

道

人李鼎撰

雄雞一鳴六合出其昏闇薰琴一奏萬物遂其長養天下之事
有廣大至於充塞霄壤而感發之機初或起於毫末者何哉蓋
一物之細而至理之所寓實有不知所以然而然者存焉耳甘
之一水其用有如此者我重陽祖師之道其傳而當至於百千
萬世之無窮予不得而預言之始以正隆以來百年三四傳中